

欽定大清會典圖

第一冊

會典館正總裁官

臣慶桂等謹

奏爲會典全圖告竣現飭趕辦發刊圖樣奏

聞請

旨事竊查乾隆年間所纂會典於

壇

廟輿地等類各附以圖係沿康熙雍正兩次纂輯之舊

其間圖本不多又卽散見會典各門卷內此有

彼無尙未全備此次

臣等遵

旨修輯會典屢飭在館各員詳徵博考務俾賅備嘉

慶十二年十二月內經

臣

等酌擬撰典辦圖章

程請於會典事例全分之外另以會典爲一書
如周六官唐六典義取簡要而圖又爲另冊不
必附會典各條之下以清門類等因奏蒙
俞旨現在全圖百卅餘冊於朔會燕饗祭祀陳
設位次

壇

廟規制推算儀器以及禮器樂懸軍械輿衛冠服等類
逐一分門編次輿地則於疆界川途考據的實
又於將軍大臣等所管各城及外藩部落悉皆
詳覈增繪以次進呈均邀

欽定較之舊典所有之圖增至數十倍業經進呈完竣查歷來各館繪圖一事皆須另行考取繪圖謄錄人員辦理往往多糜公費此次臣等於酌擬繪圖章程摺內曾聲明繪圖一項卽於臣館供事內選擇兼充以免另行考取如辦理妥協請另班酌與議敘等因奉

旨依議欽此在案當經臣等先後選得繪畫供事八

名繕寫圖上小字謄錄二名寫篆字供事一名

繕寫圖說供事二名檢查書籍冊案供事一名

又音譯蒙古各圖譯漢官一名共計十五人繪

辦全圖至百冊餘冊之多實爲奮勉可否援照
原奏章程將前項繪辦出力之十五人量予優
敘之處相應奏明請

旨如蒙

俞允卽由臣等分別等第咨送吏部辦理至承辦全

圖之提調兼總纂官程同文幫辦總纂纂修官

朱鴻於此書最爲出力前辦總纂兼提調事葉

繼雯於全圖門類先經酌定規模提調官昇寅

福來王厚慶督率催趨該供事等趕辦均爲出

力查會典館全書現進呈過事例六百五十七

冊已得十分之八典二十八冊亦得十分之五
臣等現飭各該員等同合館總纂纂修協修等
員加緊纂辦務於年內完竣所有各該員等此
次均不敢仰邀議敘再查全圖百卅餘冊繪畫
實積數年非旦夕可以猝辦將來發刊樣本一
分此時卽需趕辦庶不致有稽時日所有此次
議敘之繪圖供事等應仍留館候選卽責成辦
圖以資熟手將來如果辦理不敷再由臣等酌
量添派務臻妥速是否有當伏候

訓示遵行謹

奏嘉慶十六年三月十二日奉

旨依議欽此

禮

新



禮制

天壇總圖一

圜丘壇圖一

祈年殿圖一

圜丘壇圖一


祈年殿圖一




壽圖



天壇總圖





圜丘壇。

祈穀壇。合建於正陽門南之東。當都城巳位。內外垣俱前方後圓。外垣周一千九百八十七丈五尺。高一丈一尺五寸。址厚八尺。頂厚六尺。垣内外包以城甃。下三進上二進。出檐各三尺二寸。門二座。各三間。皆西嚮。南爲

圜丘門。北爲

祈穀壇之外西天門。

圜丘門之內。南爲犧牲所。南嚮。鐘樓在其西。北爲神樂署。東嚮。內垣周一千二百八十六丈一尺五寸。

高一丈一尺。址厚九尺。頂厚七尺。內外出墻各二尺。包甃如外垣。內垣內當南北之中。亘東西爲垣。左右直中作半規形者爲

園丘壇北垣。

園丘壇周垣設門四。東曰

泰元門。西曰

廣利門。南曰

昭亨門。北曰

成貞門。皆三門。朱扉金釘縱橫各九。其內正方爲外壇垣。其內圓爲內壇垣。其內爲

園丘三成。內外壝四面各三門。外壝南門外

神路之東。爲設

大次之所。

皇穹宇。在外壝北門外。制圓。南嚮。金頂單檐。內外環轉。各八柱。塗金飾轉枝蓮門一窗二。東西北。砌以城甃。臺面鋪青石。基高九尺。徑五丈九尺九寸。石欄版四十有九。均高三尺六寸。東西南三出。陛各十有四級。左右廡各五間。制方。東西嚮。一出陛各七級。圍垣砌以城甃。圓周五十六丈六尺八寸。高一丈八寸。前三門。南嚮。崇基石欄前。

後三出陛各五級。外壇東門外北爲

神庫五間。南嚮。

神廚五間。并亭一。六角。閑以朱櫺。皆西嚮。垣一重。門一。南嚮。其東爲祭器庫。樂器庫。稷薦庫。各三間。西嚮。垣一重。門一。南嚮。又東爲犧牲亭三間。南嚮。并亭一。六角。閑以朱櫺。西嚮。垣一重。門一。南嚮。

祈穀壇在

成貞門北。其垣南接

圓丘壇垣。東西北天門三。各三間。其內爲內壇垣。東西

南甌門三。各三間。內外丹雘。南爲大甌門。其外神路之東。爲設

大次之所。其內爲

祈年門。門內爲

祈年殿。內壝垣之外。東南西南兩隅。繚以曲垣。東嚮角門一。西嚮角門一。北嚮角門一。內壝垣之北。琉璃門三座。後爲

皇乾殿。制方。南嚮五間。衛以石欄五十有九。正面三出陛。東西一出陛。各九級。東西北三面周以垣。西垣之南。西嚮角門一。東甌門外。廊房七十二間。